

АЛЕНИҒУТНА АҒНАМ

Окшпыне, ылағниуқыхпыне,
Никуғнелъо анлъықо.

Китулғит ығнығыт атасикун
Ысимаяпук, авауғнелъықут.

Окыхпыне, ылағниқыхпыне —
Углақ пинилге ысимауқ

Атасикун ысималъуң.

...Никуғнелъо анлъықо.

Эгун утыұтыкума, сағмаұлықақа

синит атутыка!

Атутуунани юк наклхыгнақ.

Алывинка акақут...

Ануқым исикиналғим лъиқа авеет,

Авиғатақуқ ымака, айхағминьң

алывинка авеет.

...Илоғын наньяклъуку уноми илоғақа,

Утыұтывағнаюклъо.

Нуна, силъа ўи илакақа,

Натын алеқыңаго нунани пихтум, ануқым.

Натын уна нуна кыпнётуқ куплъуку ыльпылъу.

Китумун алъамун апыңгито,

Нунамун наңылъуғма увғуто.

Китуұлықут ығнығыт,

Углақ ыңқақлықақа

Ысималге тамани, ысималъун атасикун.

...Лъиқа атуты авиғалъыге,

Авиғатақлықуқ сивулихпиғақ юк,

ағнам пиниқылъағумая!